

元明事類鈔

五

欽定四庫全書

元明事類鈔卷八

監察御史姚之駟撰

官品門一

內閣

十八入相

元明善集安同年十八入相薦用端良職

任漢士天子嘉之曰安同為相朕寢乃熟元名臣事

畧安童十八登庸在相位前後二十年海內號為極

治案元史俱作安童

花馬平章 元史布延特穆爾持身廉介常乘花馬時
稱花馬兒平章

為百姓哭 元通鑑耶律楚材為相每陳民生休戚辭
色懇切太宗嘗曰汝又欲為百姓哭耶楚材嘗言興
一利不若除一害生一事不若減一事

元德上輔 元史巴延求解政柄三宮勉強詔為大丞
相加號元德上輔輟耕錄巴延所署官銜計二百四

十六字曰元德上輔云云

自毀其稿 元史類編李文忠孟三入中書退居一室
蕭然如布衣凡獻納謀議常自毀其稿家無存者

給皮服 元通鑑京師苦寒有丐訴丞相馬前丞相索
皮服予之仍覈在官皮服悉給貧民都事歸暘曰宰
相當廣濟天下此皮服幾何而欲給之

丞相廢置 明侯甸西樵野記本朝承宋元以來亦嘗
置丞相若汪廣洋胡惟庸等俱在相位後因井油之

金史卷八
變誅戮數千由是始置三公閣內以備顧問而丞相
廢革矣陳子龍集國家廢中書而立閣學然久之竟
如真相者近人主而操絲綸也此即東京政歸臺閣
之意耳

入內閣 今言直文淵閣者入內閣預機務出納帝命
奉承規誨點檢題奏擬議批答九卿奏事亦不得相
關白蓋既罷中書丞相此直閣者即虞揆殷衡周宰
之職也

功名始終 明實錄費宏恭慎謙抑明習國家故事能
持重得大體凡三入內閣以功名始終云

三楊 玉堂叢話正統間文貞為西楊文敏為東楊因
居第別之文定郡望每書南郡世遂稱南楊西楊有
相才東楊有相業南楊有相度論本朝賢相必曰三
楊

風流儒雅 明何良俊叢說李文正當國每朝罷門生
羣集其家皆海內名士談文講藝絕口不及勢利其

文章亦足領袖一時風流儒雅雖前代宰相罕見其
匹

李謀劉斷 明費家集劉文靖健晚年遭際孝廟與李
公東陽謝公遷同心輔政上推心任之時人語曰李
公謀劉公斷謝公允侃侃

薦文武才 明名臣記李賢為大學士練達政務不屑
為小廉曲謹薦用耿九疇軒輓年富王竑姚夔崔恭
顏彪馮宗諸文武才臣皆得其用

學博才雄 吾學編正德時楊一清入內閣學博才雄
善應變尤曉暢邊事羽檄旁午一夕十疏口占指授
悉中機宜

首相 今言設內閣自李文達領吏部尚書而彭文憲
商文毅萬安相繼領之遂為首相故事

不私鄉故 殿閣詞林信陽進士何景明年少能詩時
劉文靖在內閣人以為首相同鄉必入翰林公曰此
人福薄能詩何用後竟如其言自來居內閣不私鄉

故惟公一人

手摺疏名 陸深集楊文貞士奇當國時有手摺子書
知府以上名姓懷之袖中暇即展閱此與宋呂晦叔
籍記人才事件謂之掌記者正同

虛宸總已 明楊廷和行狀四月二十一日嗣君至行
殿明日即位自三月十四日至是三十有八日公承
虛宸總已內外晏然十六載弊政姦人皆于即位詔
除之

視部如屬 明孫鑛集高皇罷丞相以政事歸六卿吏部為首故文皇委任蹇忠定猶在三楊上後三楊位益尊而繼蹇者資淺因少遜焉後王文端忠肅繼之職守復正自茲以還時有低昂要不甚遠分宜在閣久部權始失至江陵而始自為真相視部如屬也首疏八事 名臣記商輅于成化二年復入閣首疏八事勤政納諫儲將材飭邊備革冗員設社倉崇先聖之號以配天開入德之基以造士

自訪一人 明岳正傳英宗復辟召見文華殿既出上

曰今內閣朕自訪得一人乃岳正也

問子薦賢 明耿定向集楊漣執政其子自鄉來省公

公問一路守令孰賢子曰兜道出江陵其令殊不賢

曰云何曰即待免苟簡甚矣乃天台范理也公默然

居數日即薦陞安陸知府

直廬三語 王世貞集徐文貞階為相上輟分宜直廬

以賜公于是公始為政書三語懸之朝房壁曰以威

福還主上以政務還諸司以用舍刑賞還公論

直窮慕古 名臣記大學士薛瑄卒劉定之請從祀孔

廟言公直窮慕古談道淑徒進無附麗退不慕戀

多平反 獻徵錄仁宗時金幼孜為武英殿大學士當

時法司論死罪多寬帝命臨決必三學士會讞幼孜

知律例多平反

老儒讀書 獻實邱濬宏治中入內閣上時政疏凡十

餘萬言帝知濬老儒讀書事上輒允

金定四庫全書
卷八
六載拜相 王世貞集張文忠享敬在公車最久而其
成進士僅六載而拜相天子之所以禮信之者自明
興無兩

封還手諭 明史藁鄭貴妃不欲福王之國沮撓萬端
以明年太后七十壽宜留慶賀帝令內閣宣諭廷臣
葉向高留弗宣帝又遣中使促之向高反覆上言封
還手諭帝不得已從之

父子宰輔 明史藁陳于陞大學士以勤子也終明世

父子為宰輔者惟南充陳氏世以比漢韋平

夢二祖 明王錫爵集李文定春芳少時夢與百神遊

於鈞天廣樂二祖御而引之曰大事付汝又一夕夢

謁英宗其相高少保取其扁授公曰而嗣我而嗣我

第稱元輔 明紀事本末張居正為相剛愎自用至章

疏不敢斥名第稱元輔始譽以伊周漸進以五臣居

正亦恬然居之至有以舜亦以命禹題試士者當時

目為勸進

外僚入閣 明史藁莊烈帝將增置閣臣以翰林不習
世務思用他官參之召廷臣數十人各授一疏令擬
旨遂擢張至發入閣自世宗朝許瓚後外僚入閣自
至發始

林下九相 王世貞明盛事記萬厯元年少傅李本太
子太保嚴訥少師徐階李春芳太師高拱少傅郭樸
陳以勤少保殷士儋太子太保趙貞吉凡九人皆一
品腰玉逍遙林下此亦前代所未見者

南人作相 王鏊相論國朝之興奮自南服一時元勲
皆出濠定之間其後名臣碩輔如三楊蹇夏出于南
者不可縷數

萬歲閣老 泳化編成化時彭時以君臣懸隔為言司
禮乃約云上御文華殿召見但情未洽決不宜多言
至期時方奏天變減俸二事萬安遂呼萬歲彭時商
輅皆同呼而退四方因傳笑萬歲閣老云

閣中無人 萬厯注畧閣中李廷機請告至一百二十

三疏後葉向高復杜門閣中虛無人者五月

清客宰相

明紀事本末莊烈帝初年編修倪元璐屢

言事大學士來宗道嘗曰渠何事多言吾詞林故事

惟香茗耳時謂宗道清客宰相

爭枚卜

明紀事本末時會推閣員禮部尚書溫體仁

訐錢謙益主試納賄不宜枚卜上召廷臣及體仁謙

益于文華殿質辨體仁言如湧泉而謙益出不意頗

屈